

蒲坂楊太宰獻納稿目錄

卷之八

覆太僕寺卿顧存仁崇重寺丞體統疏

覆廬鳳巡按御史王友賢勘明知縣張憲翔叙用疏

覆遼東巡按御史戚時選奏巡撫都御史魏學曾力

疾任事疏

覆都給事中鄭大經申明贈廕疏

覆都給事中張鹵劾開任侍郎何遷不許起用疏

覆議太常寺應屬禮部疏

覆南京工部尚書林雲同請老不允疏

覆南京吏部尚書吳嶽乞休留用疏

覆科道官鄭大經等申嚴薦舉疏

覆給事中駱問禮劾都御史塗澤民留用疏

覆部院利道官薦舉尚書黃光昇等酌用疏

覆巡撫廣東都御史熊桴養病疏

覆宣大巡按御史燕儒宦申明將官有司職守疏

覆巡撫廣東都御史熊桴贈官疏

覆給事中張國彥遇 詔補給 勅命疏

叅典史張儀誣奏司官疏

奉 諭自陳乞罷疏

覆山西巡鹽御史邵永春劾屯鹽都御史龐尚鵬留

用疏

乞 恩認罪疏

蒲坂楊太宰獻納稿卷八目錄終

蒲坂楊太宰獻納稿卷之八

覆太僕寺卿顧存仁崇重寺丞體統疏

少傅兼太子太傅吏部尚書臣楊博等謹

題為明職掌慎典守以飭馬政以隆治安事文選清吏
司案呈奉本部送准兵部咨內開着得太僕寺卿顧
存仁所陳明職掌以專責成要將本寺寺丞選舉
望之優者以充其任如光祿尚寶及南京太僕寺丞
之例各佐少卿行事俟政績有成一體超擢無非崇
重寺丞之權明同寅協恭之誼相應依擬但設官分
職各有司存而更易低昂本部輒難定擬合候

命下移咨吏部再加詳議題覆施行等因題奉

欽依備咨到部送司案呈到部看得太僕寺丞原係在京

堂上官員每當給由與尚寶司丞光祿寺丞南京太

僕寺丞俱例不考覈體貌本自崇嚴職守原非輕小

向因官非其人遂致體壞於舊或受管馬丞簿之分

例而贓賄多端或畏印馬御史之糾彈而卑諂可懼

堂卿惡之耻與為察朝紳鄙之目為冗散臣等深知

其弊以故二三年來慎加掄選即今在列者頗號得

人漸已改觀矣該寺復有此論無非振飭馬政之意

相應斟酌議擬合無以後寺丞有缺於賢能推官知

縣并見任各部主事內相兼推補如果聲跡卓然查

照尚寶光祿事例在內擬陞少卿等官在外擬陞副

使叅議知府僉事等官本寺遇有少卿員缺許其分

任三堂之事在京則每日赴寺陞堂公座卿與少卿

處以寮案之禮出巡則府佐以下悉行屬官之禮違

者聽其移文本寺具呈吏兵二部以憑叅治恭候

命下通行兵部都察院轉行各該衙門一體欽遵施行隆

慶三年閏六月初三日題奉

聖旨是欽此

覆廬鳳巡按御史王友賢勘明知縣張憲翔叙川

疏

題為貪官侵欺軍餉乞

賜究問以正紀法以警臣工事考功清吏司案呈奉本部
送吏科抄出巡按直隸監察御史王友賢題奉

聖旨吏部知道欽此欽遵抄出送司查得先該巡按浙江
監察御史譚啓題該本部看得本官論劾五湖縣知
縣張憲翔侵欺抵餉稅銀妄稱修理支用又不待查
明輒自離任赴部乞要提究一節為照知縣張憲翔
以舉人作縣三年屢經撫按等官保薦九次中間開
有清介剛方嚴明節愛一毫紙贖不私凡百浮費盡
革等語以故本部照例題

請行取以備考選今據御史譚啓查出侵欺稅銀事若有
據罪當不止罷斥但與以前薦語廉貪迥異必須勘
問明白以服其心合候

命下移咨都察院轉行廬鳳巡按御史行提本官一千人
卷虛心查審如果欺侵有跡徑自據法議擬奏

請若係因公支費無損官箴仍即起送赴部另行定奪等
因題奉

聖旨近來有司官負初任類能矯勵取名既得保舉輒便
放恣法宜查究以懲欺偽張憲翔著巡按御史提問具

奏欽此欽遵已經行勘去後今該前因案呈到部看得
巡按直隸監察御史王友賢題稱勘過原任五河縣
知縣後行取張憲翔被劾錢糧委無侵欺民懷去思
官箴無議乞要查處一節為照知縣張憲翔雅稱才
幹茂著公廉止緣禮度之失遂致劾彈之禍五河之
民憤憤不平久矣既經該本處巡按御史勘明具題
前來公論已明相應亟處合候

命下將本官遇有相應京缺即行推補以示激勸隆慶三
年閏六月初九日題奉

聖旨是欽此

覆遼東巡按御史盛時選奏巡撫都御史魏學曾
力疾任事疏

題為巡撫官負患病事考功清吏司案呈奉本部送吏
科抄出巡按山東監察御史盛時選題奉

聖旨吏部知道欽此欽遵抄出送司案呈到部看得巡按
山東監察御史盛時選題稱巡撫遼東地方贊理軍
務都察院右副都御史魏學曾放回養病一節為照
巡撫魏學曾年力方強銷鈐久請自入東遼以來悉
心注措上下相安揆以為官擇人之義一不宜去且
自郎署以至副都僅僅五年中間二代

誥封一子承胤尤為優異之典據其分自當鞠躬盡瘁原
其心豈忍以私忘公揆以人臣圖報之忠二不宜去
暨遷葬按御史代奏前來原非沉痾之疾即日六月
即係往年七月防秋事重臣等不敢輕議合候
命下行今本官力疾任事不得堅卧不出再竇

天聽以負

國恩以夫人望隆慶三年閏六月初十日題奉

聖旨是欽此

覆都給事中鄭大經申明贈廕疏

題為參論違例祈

恩併乞申明定制以杜覬倖事驗封清吏司案呈奉本部

送吏科抄出吏科都給事中鄭大經等題奉

聖旨該部看了來說欽此欽遵又奉本部送吏科抄出原

任南京都察院已故右都御史端廷赦妻恭人夏氏

奏為比例乞

恩以圖補報事奉

聖旨該衙門知道欽此欽遵通抄到部送司查得大臣贈

廕卹典事例係本部掌行又查得弘治四年五月內

節奉

孝宗皇帝聖旨今後有乞恩贈誥的係部裏還要斟酌可

否來說務合公論不許一槩徇情比例濫請該科止着
欽此又查得凡兩京堂上三品以上官病故弟男比
例奏請贈謚者除謚號行禮部另行具奏其贈官本
部查其人品政績具題取自

上裁又查得嘉靖二十七年該本部申明事例今後除奉
特旨錄廢外其文職正途京堂三品以上官考滿復職已
經請給

誥命者本部查無過犯被劾方與題請錄廢中間如有雖
經被劾而公論稱屈及不係干礙行檢者仍行具由
奏請定奪若年遠違例妄行陳乞者聽該科察奏治

罪等因題奉

世宗皇帝聖旨擬行欽此又查得凡廢子未仕而故及
先由錄廢而後中科目者止許補廢一人補廢之子
又故不許再補今該前因又查得抱本人係端銅通
查案呈到部看得吏科都給事中鄭大經等奏請原
任南京都察院右都御史端廷赦妻恭人夏氏違例
祈

恩欲將抱本人祭送問罪併乞申明定例以杜覬倖各一
節連日呼喚端銅不到顯是逃回原籍除移咨都察
院轉行彼處巡按御史提問發落外為照京堂三品

二品官原本被劾考滿復職者許廕一子入監讀書
雖經被劾與行檢無礙者節奉

特旨亦廕一子入監讀書廕子未仕而故及已廕而中式
者止許補廕一人載在令甲甚為明切自我

皇上臨御以來因奉

恩詔徃徃混行陳乞不止夏氏一人本部痛加裁抑該科
力為參駁並未嘗輕與題覆大率希澤徼福知而故
奏者因之僻壤窮鄉不知而誤奏者亦間有之委應
申明以俾途合候

命下容臣等將前項贈廕事例刊刻揭帖分發各處撫按
衙門通行知會以後再敢奏據聽本部與該科
不止罪及生者仍將死者原官量為削奪以示懲戒
隆慶三年閏六月二十四日題奉

聖旨是欽此

覆都給事中張鹵劾閑住侍郎何遷不許起用
題為預陳用人理財大要以飭臣工以承

明詔事考功清吏司案呈奉本部送吏科抄出兵科都給
事中張鹵題奉

聖旨該部看了來說欽此欽遵抄出送司查得嘉靖四十
一年該刑科給事中趙灼題為糾劾不職臣工懷姦

積蠹懇乞

聖明亟賜罷斥以清仕路事內開南京刑部右侍郎何遷
偽學亂真空談惑衆撫江右而倚彭孔為腹心流弊
全省列薦刻而納董仕仁之賄賂貽臭一時行訪察
於離任之時惟圖罰贖索關防於交代之際專務貪
求今處比部之尊猶放縱不檢敢於欺天欺人而不
顧焉節奉

世宗皇帝聖旨着冠帶閑住欽此除通行欽遵外今該前
因案呈到部看得兵科都給事中張鹵題稱用人則
財二事除理財戶部徑自議覆外其用人大率要慎
於薦舉仍要本部將侍郎何遷再加詳議品第一節
為照人臣之義功莫大於薦賢罪莫大於蔽賢若使
以不肖為賢不知而誤薦之則罔知而故薦之則欺
其罪均在蔽賢之上即如奏內侍郎何遷依附嚴嵩
蟻屈鼠伏交結彭孔婢媵奴顏鄉評不齒於湖南貪
跡大彰於江右論其品則極其低下考其才則毫無
片長彼時清議不容言官論劾猶得冠帶閑住誠為
漏網不知都御史孫應鱉何所見聞特行疏薦若非
鱉之黨庇必是遷之黨緣該科指名奏與論翕然
稱當即今南北多事未有

欽依正在明揚之際委當申飭以嚴稱匪其人之戒合候命下將何遷仍令閑住不許再圖起用本部通行兩京九卿科道及各該撫按衙門查照先今事理較量南北人各一疏如果真知其賢雖十數人亦不為多知之不真雖三五人亦不為少不得將罪過如何遷者濫行舉薦亦不得漫無可否附和雷同以負

聖明側席之意中間果有弘才異等偶被負俗之累者仍照本部原題事理一體開薦以憑具奏

定奪隆慶三年七月初七日題奉

聖旨是人才貴有實用如有徇情濫舉以致日後債事的

查照前旨并舉士一體舉罪欽此

覆議太常寺應屬禮部疏

題為申明職掌以便遵守事文選清吏司案呈奉本部送吏科抄出太常寺卿陳慶等題前事又該禮部尚書兼翰林院學士高儀等題為太常冗員已經奉旨裁革寺官復行飾奏懇乞

宸斷以杜瀆擾以一政體事等因俱奉

聖旨吏部知道欽此欽遵通抄到部送司查得弘治十二年九月初三日吏部等衙門太子太傅尚書等官屠濬等題為申明舊例以正體統事先該太子少保禮

部尚書徐瓊等題前事內稱太常寺卿崔志端抗違明旨不行造報厨役文冊又要將厨餘徑自頂補及稱該寺不係本部所屬檢照諸司職掌膳部項下俸給一條備開太常寺衙門及查洪武一十六年間

欽依造報職掌文冊內開太常寺厨役四百一十名設若不應職掌孰敢造報則是

祖宗以來職掌已定且該寺所行如祭祀牲口等物及樂舞生并一應厨役不敢自出勘合行移各該司府州縣僉補俱開呈本部定奪轉發施行上下統屬事體不紊

聖祖良法美音萬世遵行而不可易又查得景泰七年本部尚書胡濙為因厨役事據例覆奏奉

景皇帝欽依只依洪武年間由禮部行不許徑自行有失體統欽此欽遵且胡濙係洪武年間人歷任年久備知洪武年間事例若不應職掌彼時覆奏豈敢稱洪武永樂年間厨役由本部定奪照得光祿寺之千木部太僕寺之千兵部各安體統固有紛更今太常寺與二寺事體相同似此紛更關係不細如蒙乞

勅各官會議明白奏請定奪等因奉

欽依着各官公同會議明白來說欽此欽遵隨該太常寺

卿崔志端等題為不遵舊例故違

祖宗成法事內稱

祖宗設立太常寺以奉天地神明其來遠矣未聞其有所統屬也傳云國之大事在祀與戎即兵部所掌祀即本寺所司是也太常既與兵部為伍則其秩難與光祿太僕二寺相同明矣等因奉

欽依着各官一併議了來說欽此欽遵又該戶科給事中叢蘭題稱我

朝設六部都察院通政司大理寺各分一職不相統屬而太常寺光祿寺之屬禮部太僕寺之屬兵部自

國初至今行移往來各分一定可見本寺乃祠部中之一事與光祿寺為膳部之一事太僕寺為駕部之一事相同以此三事乃事之大者所以又設此三寺衙門以專之耳今太僕寺既屬兵部光祿寺既屬禮部矣獨太常寺與禮部齊等可乎崔志端等乃謂本寺與光祿寺太僕寺事體不同不係禮部統屬悖謬妄誕莫甚于此伏望

皇上將崔志端等挈送法司明正典刑以為將來變亂成法者之戒等因奉

欽依是該衙門知道欽此欽遵臣等會同後軍都督府等衙門掌府事太師兼太子太師英國公等官張懋等看得禮部太常寺節次題奏事情大畧有三一件厨役造冊一件厨餘補役一件衙門體統臣等查得洪武年間事例參詳諸司職掌諸書公同議得前二件本寺明知禮部節奉

皇上聖旨自合遵依施行不合故違後一件明知本部事務原屬禮部不合妄奏所以戶科給事中叢蘭劾奏本寺卿崔志端愈無忌憚忍爲欺罔直欲攀援六部頡頏九卿其餘僚佐又皆依阿朋比釀成此舉要將崔志端等挈送法司明正典刑以爲將來變亂成法者之戒乞另選賢能以補前任等因不爲無見合行都察院行提崔志端少卿馬宗遠黃寶寺丞趙繼宗王甫廣周序鄭常容并提首領官吏問擬如律首領官吏先行發落崔志端等通行奏

請定奪等因具題本月十一日奉

孝宗皇帝聖旨是崔志端等并首領官吏本當究問且都饒這遭欽此今該前因通查案呈到部看得太常寺與禮部各奏前因大率俱爲裁革冗員一事在禮部則奉

旨議處卓有節財省費之忠在該寺則本職嚴格恐有缺人悞事之患詞皆因公意非徇私但太常寺之屬禮部乃祠部中之一事正猶太僕寺之屬兵部乃駕部中之一事光祿寺之屬禮部乃膳部中之一事我朝設官分職以六部爲政本自都察院通政司大理寺之外未有顛顛六部者

祖宗良法美意深且遠矣景泰年間尙書胡濙習知洪武以來之事弘治年間尙書徐瓊習知成化以前之事今其言具在咸謂太常寺自來屬於禮部且彼時又經五府九卿會議英國公張懋首爲具題豈是雷同

附和之流

孝宗皇帝特賜允可仰見明良都俞之盛蓋固不可謂之部屬亦不可不謂之統屬不待今日禮部之濫已自明祈其協律郎等官禮部所裁爲是該寺所言爲非卽如

郊天之禮始自

聖祖

國初止設官十員不聞廢禮於後逐漸增至二十七員更不聞廢禮今又增二員爲二十九員矣是故分立九廟之後則當添官合

九廟於

太廟之後則皆或官因時損益自是政體至於祠祭司與
典簿屬手本不行僉名亦自有說六部與五府均爲
文武大臣六部二品衙門與五府則僉名盡字五府
一品衙門與六部則押字不僉姓名祠祭郎中乃大
九卿五品同屬典簿聽典簿乃小九卿七品首領可
以平行而漫無分別乎變文移爲手本一時簡便之
法行于本而不僉名先年調停之義原無差錯雖前
改正合候

命下行令太常寺照舊屬之禮部一切事宜俱照節年奉
例施行存留與裁革各官仍依本部覆題事理一體
遵守祠祭司手本以後用印而不僉名悉仍其舊不
得再行奏擾仰瀆

天聰隆慶三年七月十九日題奉

聖旨是欽此

覆南京工部尚書林雲同請老不允疏

題爲懇乞

天恩哀憐老賜歸田里以全骸骨事考功清吏司案呈
奉本部送吏科抄出南京工部尚書林雲同奏奉

聖旨吏部知道欽此欽遵抄出送回案呈到部看得南京

工部尚書林雲同奏稱衰老乞賜歸田以全骸骨一節為照本官年齡雖已七袞文行卓冠羣倫向以引年乞休已蒙

溫旨勦留乃今復有此請者舊老成臣等實不敢輕議合候

命下行令林雲同照舊供職以報

國恩以慰人望不得再陳重失大義隆慶三年八月初

七日題奉

聖旨林雲同照舊供職欽此

覆南京吏部尚書吳嶽乞休留用疏

題為衰病危迫五乞

天恩容令休致以延殘息事考功清吏司案呈奉本部送

吏科抄出南京吏部尚書吳嶽奏奉

聖旨吏部知道欽此欽遵抄出送司案查先該本官三次具奏休致俱該本部覆奉

欽依行令供職外續又奏為衰病危迫四乞

天恩容令休致以延殘息事奉

聖旨卿清望素著年力未衰宜遵近旨供職不准辭吏部知道欽此俱經備咨欽遵去後今又具奏前因通查案

呈到部看得南京吏部尚書吳嶽五奏乞休情詞懇

切其見悟退之義但惟本官清望素著年力未衰已
蒙……

濫旨勉留人惟求舊臣等仍不敢輕議合候
命下行令吳嶽照舊供職以荅

天恩以聞人聖隆慶三年八月初九日題奉

聖旨吳嶽着照舊供職欽此

覆科道官鄭大經等申嚴薦舉疏

題爲乞嚴甄別以辨人材以裨

聖治事文選清吏司案呈奉本部送吏科抄出吏科都給
事中鄭大經題又該河南道監察御史郝杰題爲公

用舍惜人才以裨吏治以光

聖政事俱奉

聖旨吏部知道欽此欽遵抄出送司案呈到部看得吏科
都給事中鄭大經河南道監察御史郝杰各具題前
因大率皆爲近日薦舉邊材一事在鄭大經則欲從
公品階分爲二等在郝杰則欲詳加酌議痛革三弊
各一節爲照求才貴廣不當摘其細行之疵掄才貴
精惟當取其大節之正卽如一時在

廷諸臣或同薦一人匪爲阿黨或獨薦一人匪爲偏狃
要之各舉所知以盡以人事

上之義但中間一二不無可議或名則考察或行勘未完
或封疆失守幸造於刑書或行履踰閑不滿於士論
若使一槩起用未免重為明揚之累所據該科該道
欲要嚴加甄別無非辨人材以裨

聖治之意相應通行議擬合候

命下將薦到各官除其任外但係養病丁憂聽勘聽調閑
住致仕者逐一從公甄別應該起用與不應起用明
白開奏取旨

聖裁仍容臣等酌量南北隨才器使務適其宜以後果有
巧獵虛聲詐病規避者定行裁抑駁寃以正士風以
清吏治一面通行南北科道官并各處撫按官均當
以愛惜人材為主不得專意搏擊甚至叅以喜怒愛
憎以負

朝廷耳目之寄事下部院亦要從公裁覆不得依違兩
可以負委任其南京并各該撫按候薦到之日另行
一體甄別庶幾所進皆賢不賢者不得以倖進在臣
等今日可免不明之咎在諸臣他日亦自無不任之
議矣隆慶三年八月十三日題奉

聖旨是欽此

覆給事中駱問禮劾都御史塗澤民留用疏

題爲重處驕妄大臣以重要地事考功清吏司案呈奉
部送吏科抄出南京兵科署科事南京刑科給事中
駱問禮奏奉

聖旨吏部知道欽此欽遵抄出送司案呈到部看得南京
兵科署科事南京刑科給事中駱問禮劾稱巡撫福
建都察院右僉都御史功陞右副都御史塗澤民驕
恣不職欲要亟爲議處一節爲照都御史塗澤民頃
者一二注措委涉任情該科指名舉奏誠不爲過但
惟臣寇初平餘燼未熄本官發蹤之功方蒙
優錄地方安維之休正切依賴若使卽行別處不無可惜

伏望

皇上容令照舊撫循特勤

天語令其虛心平氣開誠布公人材必甄其臧否毋徇乎
喜怒之偏兵計必審其機宜務臻平修攘之效以報
天恩以慰人望隆慶三年八月二十七日題奉

聖旨塗澤民着策勵供職欽此

覆部院科道官薦舉尙書黃光昇等酌用疏

題爲薦舉人材以備錄用事文選清吏司案呈本本部
送吏科抄出戶部等衙門尙書等官劉體乾等各題
奉

聖旨吏部知道欽此欽遵俱各通抄到部送司案查先該
 吏科都給事中鄭大經兵科都給事中張函題俱該
 本部覆奉

欽依通行兩京九卿科道并在外撫按官查照本部原覆
 事理不問資格崇卑或所屬或不係所屬如果真知
 其賢人各一疏薦舉前來以備錄用已經通行去後
 今該前因查得各官所薦原任山西巡撫右副都御
 史楊巍近已起用兵部左侍郎今陞南京都察院右
 都御史曹邦輔總理河道右副都御史翁大立福建
 巡撫右僉都御史武四川巡撫右僉都御史嚴

清總理鹽屯右僉都御史龐尙鵬應天巡撫右僉都
 御史海瑞太常寺少卿今給假歐陽一敬太僕寺少
 卿阮文中南京太僕寺少卿殷從儉南京鴻臚寺卿
 史朝賓戶部雲南司郎中呂蘆四川司郎中素三接
 兵部職方司郎中孫應元武庫司員外郎劉漢儒戶
 部雲南司員外郎吳哲主事杜友蘭湖廣司主事李
 充實廣西司主事維遵兵部武選司主事韓應元職
 方司主事朱潤身工部都水司主事唐鍊張純南京
 吏部文選司郎中今陞尙寶司少卿汪宗伊南京戶
 部廣東司員外郎馬豸南京刑部陝西司主事覃應

元南京太僕寺寺丞霍與瑕福建道御史蒙詔雲南
道御史鍾繼英湖廣左布政劉佃廣東左布政熊汝
達福建左布政陳典山東右布政陳璿陝西右布政
曹金河南右布政梁慶龍江西按察使殷正茂浙江
按察使陳道基湖廣按察使何寬廣東按察使張子
弘雲南按察使徐棧四川按察使朱綱河南左叅政
孟重四川右叅政曹科山西右叅政楊錦雲南右叅
政朱珍福建右叅政周賢陝西右叅政馮舜漁湖
廣右叅政管荊州府事趙賢陝西副使張守中浙江
副使毛綱劉有誠福建副使潘一桂山西副使鄭洛
方逢時楊綵易州副使何東序淮揚副使傅希學江
西副使陳萬言山東副使喬應光朱卿河南副使張
佳胤山東右叅議顏鯨河南右叅議蒞文家廣西右
叅議曹棟湖廣右叅議李堯德四川右叅議張子仁
山東僉事宋守約山西僉事劉時秋艾杞崔鏞河南
僉事申佐江西贛州府知府黃辰浙江紹興府知府
岑用賓河南汝寧府知府史桂芳懷慶府知府紀誠
山東東昌府知府洪忻山西太原府知府蔡可賢湖
廣承天府知府何子壽四川成都府知府盧仲佃順
慶府知府徐學古直隸廣平府同知劉宗岱直隸蘇

州府同知張雲鸞山西蒲州知州許希孟以上八十

二員俱見任原任甘肅巡撫右僉都御史石茂華總

理河道右副都御史潘季馴刑部陝西司主事李材

南京江西道御史張士胤廣東左叅政謝鵬舉山西

副使周斯盛山東副使莊學顏以上七員俱丁憂原

任兵部左侍郎吳嘉會南京兵部右侍郎喻時福建

巡撫右僉都御史汪道昆順天巡撫右僉都御史徐

紳溫景葵應天巡撫右僉都御史張景賢雲南巡撫

兵部尚書蕪右都御史呂光洵協理京營戎政右僉

都御史李燧雲南左叅政梅守德福建左叅政馮臯

謨廣東副使劉穩十一員俱係覆准起用原任太常

寺少卿陸光祖係另行議處原任兵部左侍郎吳桂

芳遲鳳翔兵部右侍郎龔鍊南京戶部右侍郎盛汝

謙南京兵部右侍郎劉繼河南巡撫右副都御史孟

養性河南巡撫戶部右侍郎兼右僉都御史王國光

江西道御史劉存義以上八員俱係養病原任遼東

巡撫右僉都御史張西鈞係聽候別用原任大同巡

撫右僉都御史董志學係定巡撫右僉都御史溫如

璠俱係調外任原任山西叅政羅璋福建副使唐九

德俱係改用原任南韶兵備副使馮謙福建副使宋

儀望俱係聽降原任山東按察使謝孟金係聽勘原
任貴州巡撫右副都御史康朗係覆再訪原任總督
南京糧儲右副都御史曾于拱係閑住原任刑部尙
書黃光昇貴州巡撫右副都御史陳洪濛廣西左布
政王宗沐陝西副使張大馭徐州兵備副使陳奎廣
東副使陳紀山西副使廖逢節直隸真定府趙州知
州蔡懋昭俱係致仕原任山西巡撫兵部右侍郎兼
右僉都御史高恭貴州按察使盧岐嶷陝西左叅政
姚九功俱係考察閑住原任順天巡撫都御史馬九
德係以邊儲虧折閑住原任廣西思恩府同知党緒
係破劾不謹原任山東左叅議張問仁係考察不謹
原任順天巡撫都御史馬珮係罷職原任遼東巡撫
都御史路可山永平副使沈應乾俱係革職原任尙
書兵部御史趙炳然河南副使楊准俱已病故通查
原任到部看得在京九卿科道官疏薦人材大率皆
爲南北兵計卽如兩京兵部堂屬各省鎮總督提督
巡撫漕運撫治及沿邊沿海守巡兵備等官悉皆於
中檢選其餘不係兵計者自難借此以圖登進除新
任侍郎楊巍與右都御史曹邦輔等八十二員俱見
任聽候以次擢用都御史石茂華等七員係丁憂侍

郎吳桂芳等八員係養病候其服闋痊可酌量推用
侍郎萬恭係奉

詔糾劾考察開住叅議張問仁係部院考察不謹按察使
盧岐嶷叅政姚九功係

開讀撫按考察開住同知党緒係被劾不謹例不起用尙
書趙炳然副使楊准近已病故外其餘各官相應通
行甄別合候

命下將尙書黃光昇都御史曾于拱陳洪濛少卿陸光祖
副使陳奎張天馭陳紀廖逢節知州蔡懋昭與同先

次通

准起用尙書呂光洵侍郎吳嘉會喻時都御史汪道昆溫
景葵張景賢李燧徐紳叅政梅守德馮臯謨副使劉
穩聽候別用都御史張西銘遇有中外相應員缺不
必拘其原官酌量擬用聽調外任都御史張志孝溫
如璋改調邊方叅政羅瑤聽改副使唐九德聽降副
使馮謙宋儀望各仍照原資遇缺銓補按察使謝孟
金催行原勘衙門文書到日限一月以裏作速完報
都御史馬珮馬九德路可由康朗布政使王宗沐副
使沈應乾雖經薦舉緣非邊才俱難一槩起用隆慶
三年九月初二日題奉

聖旨這所薦人才你部裏須要斟酌停當見任的量才拔用其餘的必真有邊才方許起用不許一槩濫叙以長奔競之風欽此

覆巡撫廣東都御史熊桴養病疏

題爲巡撫重臣患病事考功清吏司案呈奉本部送吏科抄出巡按廣東監察御史楊標題奉

聖旨該部知道欽此又該巡撫廣東地方兼贊理軍務都察院右僉都御史熊桴奏爲痼疾愈加沉重曠廢職業再乞

天恩早賜骸骨還鄉事等因奉

聖旨吏部知道欽此欽遵通抄送司案查先該熊桴奏稱病勢十分危篤該本部看得廣東地方海濱初平山賊尙熾正賴督撫總理已將奏詞立案及咨行本官在任隨便調理力疾供職去後今該前因案呈到部看得巡按廣東監察御史楊標題稱巡撫廣東右僉都御史功陞右副都御史熊桴患病乞容回籍調治及該本官再奏痼疾愈加沉重乞與骸骨還鄉一節爲照都御史熊桴自撫廣東以來正直群克擾攘之際竭精調度元惡就擒一應善後事宜方賴經理乃今久患危疾誠爲可惜旣該巡按官代奏前來別無

詐假情弊相應依擬合候

命下行令本官回籍調理痊可之日有司具奏起用遺下
員缺照例會官推補隆慶三年九月十四日題奉
聖旨熊桴准回籍調理員缺即便推補欽此

覆宣大巡按御史燕儒宦申明將官有司職守疏
題為明職守嚴責成以固邊防以保萬全事吏科抄出
巡按直隸監察御史燕儒宦題奉

聖旨吏兵二部知道欽此抄出到部卷查先准兵部咨為
北虜衆強大肆猖獗兵馬寡弱重鎮危急懇乞

天恩早賜整飭以固邊圉等事該鎮守大同總兵官趙崙

題該兵部覆議若有司官平時不行修築城堡聞報
不肯嚴行收斂以致城堡殘破殺虜人民者比照被
賊侵入境內虜掠人民律例一體叅治題奉

欽依備咨前來今該前因臣等會同兵部尚書臣霍冀等
看得巡按直隸監察御史燕儒宦具題前因大率謂
總兵官趙崙與大同一鎮民堡題

准責令有司修理如或修築不回收斂不時致虜攻殘律
以守備不設之罪似為太過欲將前例另議

上請仍乞

天語叮嚀似有邊報總兵官率衆堵截虜不能入即為上

功賊既入境總兵官舍生血戰追賊出境不得殘害
地方攻陷堡寨卽爲次功若縱賊侵掠觀望失機罪
難假借其有司修築不固收斂不早俱聽督撫叅究
各一節爲照大同地方軍民錯若本難齊一而
王府侍衛叅於其間尤爲作梗以故總兵趙奇近有責
成有司之議據其心本爲救弊補偏考其詞未免意
圖詭滯蓋失陷州縣專城自是有司之罪若使一堡
傷殘一寨攻毀卽擬侵入境內虜掠人民之律不惟
人情不堪抑且

國法有礙相應通行酌議合候

命下兵部移咨總督右都御史陳其學備行該鎮鎮巡官
嚴行兵備守巡各道文書到日爲始屯堡仍責之軍
備民堡仍責之有司侍衛堡寨仍責之長史司各一
節修築一遇有警各照堡分分投收斂如致悞事督
撫官卽將有司長史叅究重治不用守備不設律例
其總兵官止督軍衛堡分不必干預有司至於拒虜
不能侵突入邊卽爲將官上功逐虜不得殘害地方
卽爲將官次功縱虜入邊不能堵截視虜攻陷不能
接援均屬將官失機之罪自難推避悉如所擬查照
施行隆慶三年九月十八日會題奉

聖旨是欽此

議巡撫廣東都御史熊桴贈官疏

題為仰伏

天威官兵奮戰生擒倭王飛報大捷事驗封清吏司案呈
奉本部送准兵部咨開巡撫廣東都御史熊桴生前
獲有軍功應該優卹等因案查先准文選清吏司付
稱總督兩廣福建軍務兼理糧餉兼巡撫廣西地方
都察院右都御史無兵部左侍郎劉燾等題為仰伏
天威官兵會剿海賊生擒曾首斬獲醜類飛報異常大捷
以仰紓

聖明南顧事節奉

欽依熊桴陞右副都御史廕一子入監讀書案候在卷今
該前因案呈到部看得原任巡撫廣東地方兼費理
軍務都察院右副都御史熊桴博大精明忠誠廉潔
群兇就殄方收海晏之功一疾云亡詎意天奪之速
以死勤事委當

特贈一官以為人臣致身者之勸隆慶三年十月十四日
題奉

聖旨熊桴贈兵部左侍郎欽此

覆給事中張國彥遇 詔補給 勅命疏

題為比例陳情懇乞推廣

大恩溥賜封典以全人子至情以彰

聖朝達孝事驗封清吏司案呈奉本部送吏科抄出兵科
給事中張國彥奏奉

聖旨吏部知道欽此欽遵抄出到部送司查得嘉靖七年
八月內該通政使司左叅議杜柎奏稱丁憂在京候

領勘合恭遇

恩詔乞要比照給事中張潤身等事例請給

誥命又該南京國子監司業江汝璧奏稱先任翰林院編
修丁憂在家恭遇嘉靖三年四月內

恩詔乞要比照主事汪堅等事例請給

勅命該本部備查天順以來丁憂養病給假但係見任官
員節有准給事例覆奉

世宗皇帝聖旨既係累朝已行之例實我

祖宗廣愛敬之意不必變更都准照例給與該衙門知道

欽此欽遵外又查得隆慶元年二月十七日欽奉
勅諭內閣文官一品至九品各給與應得誥勅欽此二年

三月十一日

詔書內開兩京文官一品至九品各給與應得誥勅欽此
俱經通行欽遵去後今該前因通查案呈到部看得

兵部給事中張國彥奏稱丁憂回籍遇蒙隆慶元年
二年兩次

恩詔未及需被乞要比例請給應得

勅命一節為照遇

詔覃恩丁憂養病給假官員父母均得需被渥典推廣愛

恩

累朝已行之例不止編修江汝瑾一人而已况奉有

世宗皇帝明旨不必變更都准照例給與相應議擬合候

命下將張國彥父母應得

勅命查照給與其餘丁憂養病給假者果在隆慶二年三

月十一日以前遇蒙

恩詔例應請給父母

誥勅候其復除之日移文到部卽與具題不必紛紛陳奏

致煩

天聽臣等未敢定擬隆慶三年十月二十二日題奉

聖旨是欲此

參典史張儀誣奏司官疏

題為劣陞官員挾私褻誣選司大傷

國體事考功清吏司案呈近該直隸真定府元氏縣典

史張儀奏為過

明旨糾官邪明

國法正士習矻鑽刺以安民生事伏蒙

皇上洞燭其妄勅下法司提問懲姦振紀一時人心無不

稱快臣中間十條本部考察選法二事若不題

請明白不惟中彼汗蠟之私亦且無以上彰

聖世平明之治是乞查處案呈到部臣等看得直隸真定

府元氏縣典史張儀其素前因信口裝誣不下數千

餘言除項會者不敢煩瀆

天聽外括其大者繫有四事其一謂行取不公又四川人

陞補主事不當皆負外郎滕伯輪之私查得行取官

員出自部院公同查訪于時伯輪尙任考功負外郎

無相干其四川主事員缺本部悉心咨議咸謂安福

縣知縣陳惟直可用蓋陳惟直志向端謹雅有實政

比之元氏縣知縣古之賢性氣浮華巧獵虛聲者不

同慎簡所屬實臣等堂官之事伯輪有何與乎其一

謂員外郎滕伯輪私厚鄉親將真定府知府陳奎推

陞副使京考又不行考黜竟得陳奎先任知府節經

督撫巡按巡關等官劾奏張師載宋總董學顏應賢

王乾甫徐熿等族為隆慶元年六月陞俸三年之上

方陞徐州兵備副使伯輪時尙任禮部主事安得遽

執吏部之權及至京考之日臣等部院與尚書馬森等面相訂証謂陳奎先在戶部一無可議以故擬注存留項下考功司承行者郎中李世達也與伯輪有何與乎其一謂員外郎滕伯輪與貪肆副使何東序表裏爲奸營陞紫荆又替被劾都御史溫如璋鑽刺打點查得東序伯輪既未同官又非同科南北隔遠曾未識面紫荆三關胡虜窺伺之地利害極重人人畏避直同陷穿東序獨營求爲之不情甚矣且如璋以開府之臣謫調外寮至今未補又何用鑽刺打點乎其二謂直定府知府陳燁順德府知府費堯年皆稱賢能員外郎滕伯輪不當考謫郎中徐濬不行衆陞遷查得陳燁費堯年相繼惟稅杭州物議沸騰部院惜其年力方壯止擬不及本部惡其操履不端不敢擬陞劑量斟酌悉關激勸與徐濬滕伯輪有何與乎臣等反覆叅詳止緣從公將伊劣陞南京豹衛左倉副使不自反已逞肆刁潑欲將常事之區一網打盡內則揭單呈堂者該司官也以員外郎滕伯輪之謹飭而極其詆毀以郎中徐濬之清謹而巧爲中傷外則親臨者巡撫都御史副使知府也陳奎管註儀考詞有巡捕有議之語魏尚純張師載溫如璋

何東序俱係儀本管上司相臨日久必有束縛過嚴之怨蓋屬官之手上司有父兄子弟之義即使張師載等如果不法在兩京有利道官在本處有巡按巡屯等官自能糾舉何俟于所屬之一典史乎傷風敗俗裂綱毀紀此誠我

朝二百年來未有之事况今

聖主明明于上閣臣穆穆于下賄賂絕跡奔競頓息大小臣工靡不精白一心以承

休德乃猶駕言納賄鑽刺略有效嚴世蕃之例青天白日含沙射影竟不知其爲何心也除儀已蒙

聖明處分不敢再議外但惟文選司官職掌銓務關涉頗重連日被誣司官心切不甘相率求去以後不職官真雖一人亦不敢劣陞行取官真雖一人亦不敢劣處臣等與有統均之責心竊憂之相應亟行議擬合候

命下將郎中徐濬真外郎滕伯輪主事陳惟直俱令用心修職毋以議論之訛而輒求引避毋以求全之毀而過爲驚疑俾戴

日月之明下盡消塵之報世道銓曹不勝幸甚隆慶三年十一月二十一日題奉

聖旨這事情既與徐濬等無干着用心供職欽此

奉諭自陳乞罷疏

奏為自陳不職懇乞

天恩賜罷黜以端政本事隆慶三年十二月初一日該

內閣大學士李春芳等傳示

聖諭近來災異頻仍多因部院政事不調假公營私聽信刁風濫受詞訟誣害平人致傷和氣着廠衛暗訪來奏欽此欽遵抄出到部臣等捧讀再三汗流浹踵仰惟皇上臨御以來敬

天法

祖勤政懋學人心既悅天意自得諸福之物可致之祥瑞當駢至乃今虫蝗水患地震木冰之災種種為異委皆部院之臣政事不調所致竊念臣等待罪銓曹職專甄別不公之弊固不敢為不明之咎難以自文即如大小司刑官真如果假公營私聽信刁風濫受民詞誣害平人其人皆由臣等註擬終而刑罰不中始於舉錯失平召災致戾臣等寔為之首伏望聖慈少寬斧鉞之誅先將臣等取賜罷黜以答

天戒以儆臣工臣等無任惶悚戰慄之至隆慶三年十二月初二日奏奉

聖旨卿等宜安心供職不准辭欽此

覆山西巡按御史郜永春劾屯鹽都御史龐尚鵬

留用疏

題為亟罷儉倭負國以正士風裨

國計事考功清吏司案呈奉本部送吏科抄出巡按山西監察御史郜永春題奉

聖旨吏部知道欽此欽遵抄出送司案呈到部看得巡按山西監察御史郜永春論劾總理屯鹽都察院右僉都御史龐尚鵬大率謂其剛愎狡詐兇狠機械等項又謂其屯鹽慢不經理專以迂瑣鄙屑不干已事搪

塞竄奏乞要罷斥各一節為照本官奉

命督理屯鹽責任甚重事務孔殷顧乃撥拾

勅外瑣屑之事屢瀆

天聰既詳於此必畧於彼且性氣過剛其政每流於苛彈

劾數多其言自難盡當人怨所積物議自生御史郜

永春指摘其非誠非過舉但考其履歷自筮仕縣令

以至今日中間如浙直之查盤河南浙江之巡按北

直隸之提學咸有風裁况今邊方多事邊才難得方

當疇咨之時遽棄跡弛之才不無可惜合無將龐尚

鵬姑令策勵供職務要痛自刻其力加脩省先奏遺

闕者後有所見不妨補奏舉行先奏窒礙者後知其
悞不妨更奏改正非為目前之圖必為經久之計非
為一身名譽之圖必為九邊兵食之計不得草率塞
責仍毛舉別事冊招後議臣等未敢擅便定擬隆慶
三年十二月十三日題奉

聖旨近來吏部不查各官賢否應去應留專一遮避奸生
欺詐欽此

乞 恩認罪疏

奏為懇乞

天恩認罪事該本部題該巡按山西監察御史邵永春題

叅總理屯鹽都察院右僉都御史龐尚鵬不職緣由
該臣等議擬題奉

聖旨近來吏部不查各官賢否應去應留專一遮避奸生
欺詐欽此欽遵抄捧到部臣等仰讀

綸音不勝戰慄不勝慙服竊念臣等一介書生待罪銜
蚤夜兢兢惟以不副

皇上任使為懼即如都御史龐尚鵬自任御史以至今日
部院科道交薦其賢不下一二十疏御史邵永春今
次所論止是言其心術險詐行事乖方並無毫髮賊
私以故臣等采之輿論議擬策勵且以

恩威出自

朝廷恭請

上裁

聖神照臨明如日月欺詐之事不惟不敢亦自不忍但惟
臣等年力衰邁智識短淺身在堂下何以辨人之曲
直舉錯乖刺罪當萬死罪當萬死伏望

皇上少寬斧鉞之誅將臣等亟賜罷斥臣等無任席藁俟
命之至隆慶三年十二月十五日奏奉

聖旨既認罪楊博着致仕堂上官姑免究該司官罰俸半
年龐尚鵬着閑住屯鹽事務只着各該巡撫官着實監
理不必再差欽此

蒲坂楊太守獻納稿

卷八

立揚堂

蒲坂楊太守獻納稿卷八終

